

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u skladu sa članom 55. stav (2) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22, 14/22 i 18/22), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 12. sjednici, održanoj dana 24.03.2023. godine, d o n o s i

ZAKLJUČAK

o usvajanju Izvještaja o realizaciji Programa utroška sredstava Budžeta Zeničko-dobojskog kantona za zdravstvenu zaštitu životinja u 2022. godini

I.

Usvaja se Izvještaj o realizaciji Programa utroška sredstava Budžeta Zeničko-dobojskog kantona za zdravstvenu zaštitu životinja u 2022. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

II.

Zaključak stupa na snagu danom donošenja.

PREMIJER

Amra Mehmedić

Broj: 02-_____/23

Datum, 24.03.2023. godine

Z e n i c a

DOSTAVLJENO:

1 x Ministarstvo za poljoprivredu, šumarstvo i vodoprivredu,

1x Ministarstvo finansija ,

1x a/a.

BOSNA I HERCEGOVINA
Federacija Bosne i Hercegovine
ZENIČKO-DOBOJSKI KANTON

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



I Z V J E Š T A J

**o realizaciji Programa utroška sredstava Budžeta
Zeničko-dobojskog kantona za zdravstvenu zaštitu životinja u 2022. godini**

Zenica, mart 2023. godine

I Z V J E Š T A J
o realizaciji Programa utroška sredstava Budžeta
Zeničko-dobojskog kantona za zdravstvenu zaštitu životinja u 2022. godini

I PROGRAM MJERA ZDRAVSTVENE ZAŠTITE I VETERINARSKOG JAVNOG ZDRAVSTVA

Programa utroška sredstava Budžeta Zeničko-dobojskog kantona za zdravstvenu zaštitu životinja u 2022. godini koji je usvojen Zaključkom Vlade Zeničko-dobojskog kantona broj: 02-11-9357/22 od 10.06.2022. godine, u Budžetu Zeničko-dobojskog kantona za 2022. godinu planirana su sredstva u iznosu od 200.000,00 KM. Zbog mogućih nepredvidivih situacija u pogledu stanja i kretanja zaraznih bolesti životinja, ovisno o broju zahtjeva bilo je prelijevanja sredstava iz jedne aktivnosti u drugu, a kako je propisano Programom.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije veterinarstvo - budžetska sredstva“.

Programom su predviđene slijedeće aktivnosti:

1. Kontrola zdravlja vimeni,
2. Uzimanje uzoraka za ispitivanje Infektivne anemije konja,
3. Naknada štete za eutanazirane životinje,
4. Pomoć u provođenju Zakona o zaštiti i dobrobiti životinja,
5. Preventivna vakcinacija goveda protiv Crnog prišta,
6. Preventivna mjera pregleda mesa na prisustvo larvi *Trichinella spiralis*,
7. Realizacija nerealizovanih zahtjeva iz prethodnog perioda i pomoć u posebnim okolnostima.

II REALIZACIJA PROGRAMA

1. Kontrola zdravlja vimeni

Planirana su sredstva u iznosu od 100.000,00 KM za sufinansiranje obavezne dijagnostičke mjere koje se provode za krave u laktaciji čije mlijeko se koristi za javnu potrošnju, a pravo na sufinansiranje su ostvarili proizvođači putem veterinarskih stanica na području Zeničko-dobojskog kantona. Sufinansiranje je iznosilo 20,00 KM/kravi u laktaciji za II i III kvartal 2022. godine.

Sredstva za navedenu aktivnost utrošena su u iznosu od 115.641,39 KM.

2. Uzimanje uzoraka za ispitivanje Infektivne anemije konja

Pravo na finansiranje ove mjere su imali vlasnici konja koji provode ispitivanje konja putem nadležne veterinarske stanice na području Zeničko-dobojskog kantona. Konji koji se ispituju moraju biti identifikovani i obilježeni čipom, a iznos sufinansiranje je 25,00 KM/konju. Ukupni planirani iznos sredstava je bio 5.000,00 KM, a od toga je 4.950,00 KM sredstava utrošeno za program uzimanje uzoraka za ispitivanje Infektivne anemije konja.

3. Naknada štete za eutanazirane životinje

Sredstva u iznosu od 25.000,00 KM namijenjena su za finansiranje troškova eutanazije i neškodljivog uklanjanja bolesnih životinja koje su oboljele od zaraznih bolesti, a koje su opasne po ljudsko zdravlje i koje nanose velike ekonomske štete. Navedene aktivnosti provedene su putem veterinarskih stanica sa područja Zeničko-dobojskog kantona, a iznos od 48.655,94 KM je utrošen za eutanaziju i neškodljivo uklanjanje kao što je prikazano u Tabeli 1.

R/b	Općina/Grad	Broj eutanaziranih grla životinja	Iznos finansiranja (KM)
1.	Visoko	1 krava	1.625,00
2.	Kakanj	17 pčelinjih zajednica	1.275,00
3.	Zenica	15 koza i 24 jaradi, 6 pčelinjih zajednica	2.475,00
4.	Žepče	45 pčelinjih zajednica	3.375,00
5.	Tešanj	5 krava, 92 pčelinje zajednice	15.500,00
6.	Zavidovići	1000 komada koka nesilica, 12 pčelinjih zajednica	1.950,00
7.	Breza	4998 komada 18-sedmičnih pilenki i 3472 koka nesilica	22.230,94
8.	Vareš	3 pčelinje zajednica	225,00
			48.655,94

Tabela 1:

4. Pomoć u provođenju Zakona o zaštiti i dobrobiti životinja

Planirani iznos sredstava je 15.000,00 KM, a korisnici sredstava bi ostvarili pravo na sredstva kao pomoć za izgradnju skloništa za životinje što se dokazuje važećom urbanističkom ili građevinskom dozvolom ili kao pomoć u osiguravanju uslova za pravilno funkcionisanje skloništa koje je u upotrebi. Sredstva za ovu namjenu nisu realizovana.

5. Preventivna vakcinacija goveda protiv Crnog prišta

a) Planirana su sredstva u iznosu od 20.000,00 KM za preventivno cijepljenje goveda protiv Crnog prišta (Antrax). Iznos sredstava po jednoj vakcinisanoj životinji je iznosio 15,00 KM.

Sredstva su utrošena po Općinama/Grad i to :

Općina Žepče..... 3.630,00 KM
Grad Zenica..... 3.750,00 KM
Općina Kakanj..... 3.750,00 KM

UKUPNO : 11.130,00 KM

6. Preventivna mjera pregleda mesa na prisustvolarvi *Trichinella spiralis*

Pravo na isplatu u iznosu od 10.000,00 KM su imale registrovane veterinarske stanice sa područja Zeničko-dobojskog kantona koje su izvršile pregled mesa domaćih svinja i mesa slobodno živuće divljači na prisustvo larvi *Trichinella spiralis*. Realizovana su sredstva u iznosu od 5.450,00KM.

7. Realizacija nerealizovanih zahtjeva iz prethodnog perioda i pomoć u posebnim okolnostima

Planirani iznos sredstava od 20.000,00 KM, opredijeljen je za nadoknadu dijela štete kod naglih uginuća životinja, a odobrena su 37 zahtjeva sa područja Zeničko-dobojskog kantona u ukupnom iznosu od 14.100,00 KM.

III REALIZACIJA SREDSTAVA – REKAPITULACIJA

Rb	Planirane aktivnosti	Utrošeni iznos (KM)
1.	Kontrola zdravlja vimena	115.641,39
2.	Uzimanje uzoraka za ispitivanje Infektivne anemije konja	4.950,00
3.	Naknada štete za eutanazirane životinje	48.655,94
4.	Pomoć u provođenju Zakona o zaštiti i dobrobiti životinja	0,00
5.	Preventivna vakcinacija goveda protiv Crnog prišta	11.130,00
6.	Finansiranje preventivne mjere pregleda mesa na prisustvo larvi <i>Trichinella spiralis</i>	5.450,00
7.	Realizacija nerealizovanih zahtjeva iz prethodnog perioda i pomoć u posebnim okolnostima	14.100,00
	UKUPNO:	199.927,33

Programom utroška sredstava Budžeta Zeničko-dobojskog kantona za 2022. godinu za Subvencije u veterinarstvu - budžetska sredstva, planiran je iznos od 200.000,00 KM, a realizirano je 199.927,33 KM ili 99,9 %.

Obrađivač: dr.vet.med Eldin Semić

MINISTAR

Vinko Marić